

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, generalni inspektor policije Nusret Selimović, (u daljem tekstu: Kupac)

i

„ZOO CENTAR" d.o.o Sarajevo, ul. Derviša Numića 1b, ID broj: 4200210040009, kojeg zastupa direktor Arman Akšamović (u daljem tekstu: Prodavac)

zaključili su:

UGOVOR O NABAVCI HRANE ZA SLUŽBENE PSE

Član 1.

Predmet ugovora je nabavka hrane za službene pse, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-10/20 od 03.01.2020. godine.

Ponuda Prodavca bb od 09.01.2020. godine je sastavni dio ovog ugovora.

Član 2.

Ukupna cijena predmetne nabavke hrane za službene pse iznosi do 5.956,63 (pethiljadadevetstotinašest i 63/100) KM bez PDV-a.

Prodavac se obavezuje da se cijene iz Ponude neće mijenjati do isteka ovog ugovora.

Jedno pakovanje teži 22,68 kg, što u skladu sa ukupnom vrijednošću iz stava (1) ovog člana iznosi 99 vreća. Cijena po jednoj vreći iznosi 60,17 KM bez PDV-a.

Član 3.

Isporuka hrane za službene pse će se vršiti sukcesivno, prema narudžbama Kupca, u zavisnosti od potreba Kupca.

Prodavac se obavezuje da ugovorenu isporuku izvrši u roku od 5 (pet) dana od dana dostavljanja narudžbenice.

Sve troškove isporuke do primopredaje, kao i troškove reklamacije snosi Prodavac.

Roba će se isporučiti na adresu Ugovornog organa, Sektor za policijsku podršku, Nahorevska bb, 71000 Sarajevo.

Član 4.

Plaćanje se vrši u roku od trideset (30) dana od dana isporuke robe i izdavanja fakture, na tekući račun Prodavca.

Član 5.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime kvaliteta isporučene robe.

Kupac je dužan dostaviti pismeno obavještenje o svakom propustu Prodavca.

Kupac će utvrditi razuman rok za ispravku propusta Prodavca u smislu isporučene robe.

Član 6.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 7.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 8.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke, a najduže 1 (jednu) godinu od dana potpisivanja ugovora obje ugovorne strane.

PRODAVAC
ZOO CENTAR d.o.o
Sarajevo
direktor Arman Akšamović



KUPAC
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović



Broj : 02-17/20
Datum: 13.01.2020

Broj: 02-11-4-10-2/20
Datum: 10.01.2020. godine